


SEDMIČNI ČASOPIS OD DJECE ZA DJECU | BROJ 1



ZAJEDNICA
inovativnih nastavnika/ca

MOJ OBLAK

ČASOPIS

TEMA BROJA:

SVE ĆE BITI U REDU!

POGLED S MOG
PROZORA

RUBRIKA:

NAPRAVIO/LA
SAM

NASLOVNICA: RAD UČENIKA II-4,
OŠ HRASNO, SARAJEVO
UČITELJICA: EMINA ROVČANIN

UVODNA RIJEČ^v



Zajednica inovativnih nastavnika kao i **Centar za obrazovne inicijative Step by Step** želi se, prije svega zahvaliti svima koji su doprinijeli stvaranju ovoga časopisa. Posebno nastavnicima, koji u ovim izazovnim vremenim daju sve od sebe da opravdaju odabir svoga poziva; učenicima, koji hrabro podnose ove pomalo zbunjujuće sedmice iza nas; i roditeljima, koji dokazuju koliko im je stalo do kvalitetnog obrazovanja njihove djece.

Pred vama je prvi broj našeg novog časopisa. Moglo bi se reći: prototip onoga što se nadamo da će postati sedmična tradicija u kojoj nastojimo objediniti rezultate rada učenika i nastavnika u prethodnoj sedmici.

Nadamo se da ćemo vremenom izrasti u još bogatije izdanje, te da ćemo ovim putem uspjeti podijeliti sva ona pozitivna iskustva koja posao nastavnika čine najvrjednijim, tj. plodove rada i truda učenika. U tom duhu, koncept časopisa je jako jednostavan za shvatiti: Djeca kreiraju za djecu.

Proizvodnja nečega što je kvalitetno često započinje inspiracijom. Ukoliko nemamo priliku da vidimo šta drugi uspijevaju stvoriti, teško da ćemo mi imati predstavu šta smo mi u stanju postići. Mi smo uvjerenja da svaki čovjek ima talent za nešto. Bitno je to nešto pronaći, identificirati i potaknuti. S toga se nadamo da ćemo ovim našim časopisom uspjeti da vas izložimo onome što je pozitivno ne bi li smo potakli u vama želju da dokažete kako ste u stanju napraviti nešto jednako dobro, a možda čak i bolje.

Stanje je kakvo jeste. Zatvoreni smo i svojim kućama i stanovima – u svojim sobama. Ali, to ne znači da tu našu situaciju ne možemo iskoristiti na kreativan način. U ovom broju su, između ostalog sadržaja, rezultati našega sedmičnog izazova „Pogled s moga prozora“.

Uvjereni smo da ćemo se uskoro ponovo družiti uživo. A do tad, ne dajmo da nas bilo šta spriječi da radimo sve što je u našoj moći jedni druge da inspiriramo.

- Ernad Osmić, nastavnik bosanskog jezika i književnosti

SADRŽAJ^v

ZAHVALNICE

4

TEMA BROJA:

SVE ĆE BITI U REDU

6

POGLED S MOG

PROZORA

8

NAPRAVIO/LA

SAM

10

KNJIŽEVNI

12



KUTAK
DNEVNIK IZ
IZOLACIJE




14

3

ZAHVALNICE

UČENICI SU SE POTRUDILI POKAZATI KOLIKO IM JE STALO DO ONIH KOJI U OVIM TEŠKIM VREMENIMA DAJU SVE OD SEBE DA BI NAM OMOGUĆILI SIGURNOST. RADOVE KOJE OVDJE VIDITE STIŽU NAM OD UČENIKA II-1, OŠ "MEŠA SELIMOVIĆ", ZENICA I NJIHOVE UČITELJICE BERINE ŠEĆIBOVIĆ.





TEMA BROJA: SVE ĆE BITI U REDU



DA NE TREBAMO KLONUTI DUHOM,
PORUČUJU NAM UČENICI II-4 IZ
OSNOVNE ŠKOLE HRASNO, SARAJEVO
I NJIHOVA UČITELJICA ĒMINA
ROVĀANIN.

ONI SU SE ODLUĀILI PORUKE PODRŠKE
OKAĀITI U SVOJE PROZORE KAKO BI
OHRABRILI SVOJE PRIJATELJE





A UČENIK TARIK (OŠ „MEŠA SELIMOVIĆ“, ŽENICA, II-1) ODLUČIO JE SVOJU PODRŠKU POKAZATI U OBLIKU PJESME SIMBOLIČNOG NAZIVA “ZA MOJE DRUGARE”.

ZA MOJE DRUGARE

BILO JE TO PRIJE MJESEC DANA
BEZBRIŽNO SAM SE IGRAO S VAMA.
DIJELILI SMO ŠKOLSKJE KLUPE
A POSLIJE NASTAVE SE IGRALI GANJE I ŽMURKE.
MNOGO MI FALE ONI VESELI DANI
KOJE SMO PROVODILI VANI.
NEDOSTAJETE MI SVI
A POSEBNO JEDNA LIJEPA, PLAVA
DJEVOJČICA MALA.
JEDVA ČEKAM DA VAS OPET SRETNEM
DA NASTAVIMO TAMO GDJE SMO STALI
DA SE VRATIMO U BEZBRIŽNO DJETINJSTVO
JER SMO MI IPAK
JOŠ UVIJEK MALI.

ABC @



NAPRAVIO/LA SAM

BITI PREPUŠTEN OGRANIČENIM MOGUĆNOSTIMA OBLIKOVANJA SLOBODNOG VREMENA ČESTO DOVODI DO NAJKREATIVNIJIH RJEŠENJA IZBJEGAVANJA DOSADE. UPRAVO TO DOKAZUJU I UČENICI KOJI SU, UPRKOS SVEMU, USPJELI SVOJE VRIJEME PRETOČITI U NEŠTO KONSTRUKTIVNO. PA, POGLEDAJMO ŠTA SU NAPRAVILI...

NAJPRIJE NAM MINJA (10 GODINA) IZ FOČE DONOSI JEDAN TUTORIJAL KAKO NAPRAVITI ORGANIZATOR ZA KISTOVE.



8

KAKO NAPRAVITI ORGANIZER ZA KISTOVE?

POŠTOVANI ČITAOCI, IMAM ŽELJU DA VAM POKAŽEM JEDNU SUPER, KREATIVNU IDEJU.


AKO IMATE NEKE STARE FARMERKE ILI NEKE PANTALONE, OD NJIH MOŽETE NAPRAVITI VRLO KORISNU STVAR.

PREPORUČUJEM VAM DA TO BUDE MALO ČVRŠĆI MATERIJAL KAO STO JE TEKSAS.

DA BI NAPRAVILI ORGANIZER ZA KISTOVE POTREBNO VAM JE:

MALO ČVRŠĆI MATERIJAL, SKALPEL (MAKAZE), NEKA TRAKICA POMOĆU KOJE ĆE TE ZAVEZATI DA NE BI ISPALE ČETKICE.

PRVO UZMITE ODABRANI MATERIJAL, ZATIM MAKAZAMA ODSIJECITE PO DVIJE LINIJE (ŠIRINE ČETKICE) I SA GORNJE STRANE I SA DONJE STRANE. U TE LINIJE KOJE STE ODSJEKLI U NJIH UBACITE ČETKICE, ZAMOTAJTE U ROLNU I ZAVEŽITE UKRASNOM TRAKICOM!



AMNA IZ MOSTARA NAM JE,
MEĐUTIM, ODLUČILA POKAZATI KAKO
SE I KULINARSKE VJEŠTINE USPIJEVAJU
RAZVITI KADA SMO PRIMORANI
VRIJEME PROVODITI U STANU.
A REZULTAT GOVORI ZA SEBE...



POGLED S MOG PROZORA

POGLED SA MOG PROZORA - SPORTSKI STADION FOČA

SVAKO JUTRO KAD USTANEM, PRVO ODEM NA BAL-
KON, DA VIDIM DA LI IMA DJECE NA STADIONU.
PRIJE VANREDNOG STANJA, DJECE JE MNOGO
VIŠE BILO. NAJVIŠE SE IGRA FUDBAL, ZATIM
ODBOJKA, KOŠARKA, A IMA TAKOĐE I ONIH KOJI
ROLAJU ILI TRČE.

POŠTO MOJI RODITELJI POŠTUJU MJERE KOJE
SU PROPISANE U NAŠOJ REPUBLICI SRPSKOJ, NE
DOZVOLJAVAJU MI DA IDEM TAKO ČESTO, A
POGOTOVO AKO IMA VIŠE OD PETORO DJECE. IPAK, SVOJOM UPORNOŠĆU DOBIJEM DOZVOLU SAT VREMENA, OBUJEM ROLERE I
PRAVIM KRUGOVE.

SA DJECOM NE BUDEM U BLISKOM KONTAKTU, ALI TO NAM NE SMETA DA RAZGOVARAMO O NAŠOJ OSNOVNOJ ŠKOLI "SVETI
SAVA" FOČA, O NAŠIM UČITELJICAMA KOJE SMO PUNO POŽELJELE, I DRUGARIMA KOJE NESTRPLJIVO ČEKAMO DA ZAGRLIMO.
SJEĆAMO SE I PREPRIČAVAMO JEDNI DRUGIMA DOŽIVLJAJE IZ ŠKOLSKIH KLUPA. NEDOSTAJE MI ŠKOLSKI BORAVAK, RITMIČKA
SEKCIJA, NAŠI NASTUPI, RAZNI OBILASCI SA UČITELJICOM, I TOLIKO TOGA DA NE MOGU NABROJATI. KAD SVE
OVO PROĐE, VIŠE ĆU BRINUTI O HIGIJENI, CIJENITI DRUGARSTVO, I NARAVNO BOLJE UČITI.




POGLED SA PROZORA



SMO IM HRANU I VODU. VIDIM IH DA DONOSE GRANČICE, ZNAČI USKORO OČEKUJEMO PTIĆE.

- ILHAN, 8, ZENICA


S MOG PROZORA POGLED SE PROTEŽE NA OBLIŽNJE BRDO KOJE PLIJENI SVOJIM DIVNIM IZGLEDOM, VITKIM ČEMPRESIMA, JELAMA I GORDIM USPRAVNIM BOROVIMA. PLAVET NEBA I SJAJ SUNCA JOŠ GA VIŠE ČINI IMPRESIVNIM. POŽELJEH DA POSJETIM TO DIVNO BRDO KOJE JE PROLJEĆE JOŠ DODATNO OBOJILO RAZNIM NIJANSAMA ZELENE BOJE. KADA SAM KROČILA NA TE DIVNE STAZE, MALI PUTIĆ KOJI VIJUGA NJEGOVIM PROSTRANSTVIMA, DOSPJEH MEĐU MIRISNE BOROVE, ZAGRLIH IH DA JAČE OSJETIM NJIHOVE OPOJNE MIRISE. SJEDNEM NA MALI PANJ I POSMATRAM DIVNU PRIRODU, INSEKTE, PTIĆICE I ZAPITAH SE ZAŠTO ČEŠĆE NE POSJEĆUJEM OVO MJESTO GDJE JE OSJEĆAJ JEDINSTVEN I NEPONOVLJIV.



- MERIMA,
14, STOLAC



KNJIŽEVNI KUTAK



PJESMA MOM SARAJEVU

I DOK MIRNO SPAVAŠ,
MOJ VOLJENI GRADE,
O TEBI SU MNOGE,
PJESME OTPJEVANE.

PISALI IH PISCI,
PJEVALI PJEVAČI,
IZDIGNI SE VIŠE,
I BUDI NAM JAČI.

TREBEVIĆ TE GLEDA,
IGMAN TI SE DIVI,
S BJELAŠNICE POGLED,
PRELIJEP SE ŠIRI.

A JA KUĆI SJEDIM,
OVU PJESMU PIŠEM,
RADIJE BIH NA PLANINU,
DA TE GLEDAM I UZDIŠEM.

PJESMA O KORONI

PUTEVIMA SADA NAŠIM,
KORAČA NEKA DAMA STRANA,
ALI JA SE NJE NE PLAŠIM,
OTIĆI ĆE ZA PAR DANA.

MISLILI SMO DA JE ŠALA,
MI DJECA, DIVNA MALA,
ALI ONA ŠALA NIJE,
TU NEGDJE OKO NAS SE KRIJE.

ZBOG NJE SAD ŠKOLE NEMA,
DONESE NAM 100 PROBLEMA,
POŽELJELI SMO ŠKOLSKI ČAS,
ALI NAŠI UČITELJI SU TU ZA NAS.

ZATVORILI SVI SE LJUDI,
ZBOG NJE SE MUČIMO,
ALI SVAKI ĐAK SE TRUDI,
SAD ONLINE UČIMO.

KAŽU OPASNA JE TA KORONA,
ZABRANI NAM SVE ONA,
DA ODE JA SE MOLIM,
TEK SAD VIDIM KOLIKO ŠKOLU VOLIM.

JA SE NADAM DA ĆE SUTRA, KAD OSVANE, TA KORONA
DA NESTANE,
ETO TO SU ŽELJE MOJE,
DA U ŠKOLI ZAGRLIM DRUGARE SVOJE.

BILAL, 7, BRČKO



DNEVNIK IZ IZOLACIJE

DNEVNIK JEDANAESTOGODIŠNJAKINJE - MOJ ŽIVOT U IZOLACIJI

DAN 1.

DANAS JE PRVI DAN KAKO NE MOŽEMO NAPOLJE. NIJE NI OVO LOŠE, MALO ĆU SE ODMORITI I GLEDATI TV. NAPRAVILA SAM SPISAK FILMOVA KOJE ŽELIM PONOVO POGLEDATI: ALADIN, KRALJ LAVOVA, LJEPOTICA I ZVIJER... JEDVA ČEKAM DA POČNEM .

DAN 3.

VEĆ POČINJE BITI DOSADNO, PREGLEDALA SAM FILMOVE KOJE SAM HTJELA A DA BUDEM ISKRENA POMALO MI JE I DOSADILO GLEDATI TELEVIZIJU. USKORO BI TREBALO DA POČNEMO SA ONLINE NASTAVOM, PA ĆEMO VIDJETI KAKO ĆE TO IZGLEDATI.

NADAM SE DA ĆU SE USKORO
VIDJETI SA DRUGARIMA IZ
RAZREDA. JEDVA ČEKAM

14

DAN 5.

AKO USKORO NE IZAĐEM IZ OVE IZOLACIJE JA MISLIM DA NEĆU MOĆI NI PROĆI KROZ VRATA (MORATE ZAMISLITI SMAJLIJA KOJI VRTI OČIMA JER GA NAPRAVITI NE ZNAM). MAMA JE STALNO KUĆI I SAMO KUHA. U OVIH PET DANA VEĆ TREĆI PUT PRAVI PALAČINKE!

NIJE DA SE BUNIM ALI I TO MI JE VEĆ DOSADILO.

DAN 8.

MAMA OPET NIJE OTIŠLA NA POSAO ŠTO ZNAČI DA OPET MORAMO JESTI, JESTI, I JESTI (OPET ONAJ ŠTO VRTI OČIMA)

Oooo IZOLACIJO MUKO MOJA!! DA BAR HOĆE MAMA OTIĆI NA POSAO . SESTRA KAŽE DA NJOJ NE SMETA, ALI JA ZNAM ŠTA JE RAZLOG: ONA MOŽE JESTI PALAČINKE SVAKI DAN.

DAN 9.

I DALJE SMO U IZOLACIJI. MALO MI TEŠKO PADA ŠTO NANU NISMO VIDJELE VEĆ DVIJE SEDMICE. NISAM VIDJELA NI DRUGARE, NI ROĐAKE. MAMA NAM

POKUŠAVA POPUNITI DAN, ALI SVE ČEŠĆE NEMA NI ONA IDEJA.

ISKRENO SE NADAM DA ĆE OVO BRZO PROĆI.

DAN 10.

DANAS SMO IGRALI GRADOVA SA MOJOM MLAĐOM SESTROM. AKO NISTE ZNALI ZA ŽIVOTINJU „FOSKOK“ , ONDA NISTE NIŠTA NAUČILI . HA HA HA ... ŠALA MALA. ONA KAD IGRA GRADOVA A NEŠTO NE ZNA ONDA ONA IZMIŠLJA TAKO DA U NJENOM SVIJETU POSTOJI FOSKOK, I INDIJANCI IMAJU SVOJU DRŽAVU INDIJU . IAKO JE SVE BILO SIMPATIČNO I SMIJESNO MAMA JOJ JE POKUŠALA UKAZATI NA GREŠKE, ALI SUMNJAM DA JE PRIHVATILA ISTINU. ZNAĆEMO KAD OPET BUDEMO IGRALI GRADOVA

DAN 13.

JOŠ UVIJEK NE MOŽEMO VANI A VRIJEME VANI JE SVE LJEPŠE I LJEPŠE I TAČNO NAS ZOVE DA IZABEMO . NIKAD NE BIH POMISLILA DA ĆU SA SVOJIM 11 GODINA SJEDITI U KUĆI ZATVORENA I NEMOĆI IZAĆI VANI.

DOSAD NISAM NI ZNALA ŠTA JE POLICIJSKI SAT A MAMA OVO DOŽIVLJAVA VEĆ DRUGI PUT. PRVI PUT JOJ JE BILO TAKO TOKOM RATA, A IMALA JE ISTO GODINA KOLIKO IMAM I JA SADA.

DAN 15.

SVE JE ISTO: VANI NE MOŽEMO, MAMA SAMO KUHA. JEDINO JE SESTRA NAUČILA NAZIVE DRŽAVA I GRADOVA. JESTE DA JOŠ UVIJEK NE ZNA PLANINU NA „T“ , OSIM KAD JE NAPOMENEMO DA JE BLIZU SARAJEVA. TADA SE OBAVEZNO LUPI PO GLAVI I KAŽE: „ZNALA SAM“. DALI SMO JOJ ATLAS PA SAD UČI GDJE JE ČAD, RUANDA, FRANCUSKA, KINA I SL.

DAN 17.

JEDINA DOBRA STVAR JESTE ŠTO SMO SE SA UČITELJICOM POVEZALI POZIVIMA UŽIVO, PA NASTAVA IDE LAKŠE. JAKO SAM POŽELJELA I DRUGARE I NJU. NANU JOŠ UVIJEK NE VIĐAMO, ALI VJERUJEM DA I ONA LUDA KORONA NEĆE TRAJATI JOŠ DUGO. SVE NAM JE ZAUSTAVILA I IGROU I DRUŽENJE. PITAM SE ŠTA JE SA DRUGARIMA KOJI IMAJU SIMPATIJU? KAKO LI JE NJIMA SAD TEŠKO...
MENI JAKO SVI NEDOSTAJU .

DAN 20.

BOJIM SE DA MI OVA IZOLACIJA SVE TEŽE I TEŽE PADA. TEŠKO SE NAVIKNUTI NA OVAKAV ŽIVOT. KOLIKO GOD SAM GOVORILA DA JE LIJEPO OSTATI KUĆI I NE IĆI U ŠKOLU, OVO JE UŽAS .

DANAS JE DAN GRADA SARAJEVA I DAN MOJE ŠKOLE. DA SMO NA NASTAVI VJEROVATNO BI SMO UŽIVALI U PJESMAMA O SARAJEVU, A MOŽDA BI SMO PRIPREMILI I NEKU PREDSTAVU ZA MANJE RAZREDE. TAJ DAN JE NAMA UVIJEK POSEBAN, ALI DANAS GA SLAVIMO KUĆI . A MENI MOJE SARAJEVO I MOJA ŠKOLA SAD TAKO NEDOSTAJU...

- NISRIN, 11, SARAJEVO





NASTAVNICI SU VAŽNI

*“Nema nikakve alternative za dobre nastavnike –
ne možemo imati društvo koje uči bez nastavnika, profesije koja uči”
Michael Fullan*

Attributions:

<https://www.freepik.com/free-photos-vectors/school>>School vector created by freepik - www.freepik.com

<https://www.freepik.com/free-photos-vectors/brochure>>Brochure vector created by freepik - www.freepik.com

<https://www.freepik.com/free-photos-vectors/brochure>>Brochure vector created by freepik - www.freepik.com

<https://www.freepik.com/free-photos-vectors/background>>Background vector created by starline - www.freepik.com